

AUGLÝSING

um breytingu á gjaldskrá kaldavatnsveitu Grímsnes- og Grafningshrepps.

Sveitarstjórn Grímsnes- og Grafningshrepps auglýsir breytingu á gjaldskrá kaldavatnsveitu sveitarfélagsins. Samþykkt er að tengigjöld (stofngjöld) í gjaldskrá kaldavatnsveitu sveitarfélagsins vegna ársins 2003 hækki um 4,63%.

Gjaldskráin er eftirfarandi:

Vatnsgjald 0,2 hundraðshlutar af fasteignamati eignar skv. 7. gr. laga nr. 81/1991, með síðari breytingum skv. ákv. 3. gr. laga nr. 149/1995, með síðari breytingum skv. ákv. 1. gr. laga nr. 143/2000.

Tengigjald (stofngjald) á lögbýli að meðtöldu einu íbúðarhúsi verður kr. 263.253.

Tengigjald fyrir frístundahús (sumarhús) og íbúðarhús verður kr. 133.405.

Auglýsing þessi öðlast þegar gildi.

Grímsnes- og Grafningshreppi, 25. mars 2003.

Guðmundur Rúnar Svavarsson sveitarstjóri.

GJALDSKRÁ

fyrir Hitaveitu Öxarfjarðarhéraðs.

1. gr.

Hitaveitan selur heitt vatn til íbúðarhúsa og smærri notenda úr veitukerfi sínu eftir þeim reglum sem settar eru í gjaldskrá þessari og reglugerð fyrir Hitaveitu Öxarfjarðarhéraðs.

2. gr.

Vatnsrennsli að hitunarkerfi og neysluvatnslögn húss skal takmarkað um stillanlega hemla og miðast gjald hitaveitunnar við það magn sem hemill fyrir hitunarkerfi húss er stilltur á.

3. gr.

Lágmarksrennsli fyrir hvern notendahóp er sem hér segir:

- | | |
|----------------------------|------------|
| 1) einbýlishús án bílskúrs | 3 l/mín. |
| 2) einbýlishús með bílskúr | 4 l/mín. |
| 3) sumarhús | 2,5 l/mín. |
| 4) iðnaðarhúsnæði | 2,5 l/mín. |
| 5) lögbýli | 4 l/mín. |

Lögbýli hafa kauprétt á allt að 15 l/mín.

4. gr.

Hver lítri á mínútu kostar kr. 16.800 á ári, án fastagjalds og virðisaukaskatts. Notendur sem kaupa 4 l/mín. eða minna greiða einnig fastagjald kr. 7.548 á ári, auk virðisaukaskatts.

5. gr.

Fyrirtækjum býðst að gera samninga um fastan lítrafjölda eftir hemli, en geta að auki keypt vatn samkvæmt rennslismæli vegna tímabundinnar notkunar. Geri fyrirtæki slíkan samning greiðir viðkomandi fyrir allt vatnið kr. 54,57 fyrir rúmmetra vatns án virðisaukaskatts, en að lágmarki samkvæmt samningi um fastan lítrafjölda.

6. gr.

Stofngjöld fyrir Hitaveitu Öxarfjarðarhéraðs eru sem hér segir:

a) fyrir lögbýli með búrekstur	kr.	1.778.429
b) fyrir íbúðarhús	kr.	470.746
c) fyrir sumarhús	kr.	331.821
d) fyrir aðra aðila	kr.	118.000 á mínútulítra

7. gr.

Á gjöld þessi leggst virðisaukaskattur eins og hann er samkvæmt lögum á hverjum tíma. Gjaldskrá þessi sem ákveðin er samkvæmt orkulögum nr. 58, 29. apríl 1967, staðfestist hér með til að öðlast gildi nú þegar og birtist til eftirbreytni öllum sem hlut eiga að máli.

Iðnaðarráðuneytinu, 24. mars 2003.

Valgerður Sverrisdóttir.

Kristján Skarphéðinsson.

REGLUGERÐ

**um breytingu á reglugerð nr. 705/2001 um innkaup stofnana
sem annast vatnsveitu, orkuveitu, flutninga og fjarskipti.**

1. gr.

Á eftir orðunum „breytt með tilskipun nr. 98/4/EB“ í skilgreiningu hugtaksins *tilskipunin* í 1. gr. reglugerðar nr. 705/2001 kemur: og tilskipun nr. 2001/78/EB, og hún tekin upp í XVI. viðauka samningsins um Evrópska efnahagssvæðið, sbr. ákvarðanir sameiginlegu EES-nefndarinnar nr. 7/94, 96/99 og 143/2002 sem birtar eru í EES-viðbæti við Stjórnartíðindi EB nr. 17/01 28. júní 1994, 55/172 23. nóvember 2000 og 19/11 23. janúar 2003.

2. gr.

Reglugerð þessi er sett með heimild í 2. mgr. 6. gr. laga nr. 94/2001 um opinber innkaup og tekur gildi þegar í stað.

Fjármálaráðuneytinu, 27. mars 2003.

F. h. r.

Baldur Guðlaugsson.

Ingvi Már Pálsson.